

Fu posto, per li ditti, una lettera al Badoer orator nostro in Franza, che debbi parlar al Re di questa conclusion di l'acordo etc., qual semo stà sforzati, perchè finiva le trieve etc., *tamen* per questo semo in quello amor et benivolentia con la Soa Maestà, oferendosi il Stato, etc. Fu presa.

Fu publichà per Gasparo di la Vedoa, che Domenica proxima si canterà a San Marco una solenne messa per la paxe e liga fata, e sarà col Serenissimo li oratori, pertanto tutti debano venir in ordine e ben vestidi per honor del Stado.

E noto. L' orator anglico scrisse una lettera al Principe, che questo acordo par muto e si doveria far feste etc. Et sier Domenego Venier savio a terra ferma era di opinion di meter parte si sonasse campanò e si facesse fuogi, *tamen* non li bastò l'animo de meter, perchè il Doxe disse che'l parleria do hore su questo, nè sente si fazi, sì per non iritar in colora il re di Franza, come per caxon dil Turchò.

Fu posto, per li Consieri e Cai di XL una parte zercha quelli si fanno preti, la qual se ha a metter a Gran Consejo. Ave: 106, 6, 7. La copia sarà qui avanti posta.

È da saper. Quel orator dil ducha di Milan stato quì a sigilar li capitoli, subito partì per Milan, dicendo il Ducha manderà suo solenni oratori ad alegrarsi con questa Signoria.

Non fo leto capitoli alcuni, ma sono numero . . . , *videlicet* tra la Cesarea Maestà, l'archiducha di Austria, la Signoria di Venecia e il ducha di Milan per mezo dil Papa e dil re d'Ingalterra, hanno dato termine a intrar al re Christianissimo, et al ducha di Ferara mexi 4.

Da poi Pregadi, venne *lettere d' Ingalterra di l' Orator nostro Surian, date a Londra, a dì 6*. Come a dì 4 de l' instante le nostre galle di Fiandra da San Edoardo feno vela per repatriar.

Da Udene, fo lettere di sier Antonio Bon luogotenente. Come quelli di Gradisca e Maran hanno licentiatu tutti li fanti tenivano a quelle custodie, et zerchavano di vender quello poteano li cittadini rebelli e altri e mandar il suo in Alemagna; ch' è signal le convegnirano darle a la Signoria nostra, come si dice per l' acordo si concluderà.

175 *Electi do sora i extimi di padoana e trivixana, in locho di sier Andrea Nani e sier Alvise Dolfin, non hanno provà la età.*

Sier Zuan Antonio Lombardo fo retor
a Legena, qu. sier Piero 122. 90

I Diarii di M. SANUTO -- Tom. XXXIV.

Sier Piero Salamon di sier Filippo l' avochato grandò 137. 73
Sier Alvise Zivran fo V di la paxe, qu. sier Piero. 139. 73
Sier Julio Donado fu a la taola de intrada, de sier Tomà 148. 61
Sier Piero da cha' Taiapiera, qu. sier Bernardin, fo al Fontego di todeschi 120. 70
Sier Zuan Alvise Moro di sier Bortolomio, fo cao di sestier 127. 82
† Sier Polo Contarini fo al Collegio di XX Savii sora i extimi, qu. sier Zan Mathio. 161. 39
Sier Piero Maria Diedo, qu. sier Arseni, fo podestà a Valle 139. 68
Sier Almorò Barbaro fo a la doana da mar, di sier Alvise 129. 79
Sier Hironimo Breani, qu. sier Zacharia 132. 78
Sier Alvise Diedo l' avochato grandò, qu. sier Anzolo 139. 72
† Sier Lunardo Balbi, savio ai ordeni, qu. sier Zuane, qu. sier Giacomo 155. 55
Sier Sebastian Barbo, di sier Faustin 148. 64
Sier Zuan da Molin fo podestà a Uderzo, qu. sier Beneto. 144. 67
Sier Hironimo Zen fo piovego, qu. sier Bacalario el cavalier 144. 70
Sier Vincenzo Basadona fo podestà a Noal, qu. sier Zuan Francesco 145. 66
Sier Jacomo Memo fo camerlengo a a Verona, di sier Ubaldo 127. 79
Sier Piero Loredan fo cao di XL, qu. sier Alvise 139. 65

Noto. Fono testimoni a la conclusion di capitoli sier Giacomo Badoer fo consier qu. sier Sebastian el cavalier e sier Hironimo Querini fo savio a terra ferma qu. sier Piero; quali per esser vicini a Santa Justina fono mandati a chiamar.

A dì 31. La matina venne in Collegio l' orator d' Ingalterra, e parlato di far demonstrazione di alegrezza, li fo ditto la causa non si feva per il Turchò etc. El ditto orator disse, doman l' orator cesareo sta quì si vestirà d' oro. El Doxe disse, anche nui se vestiremo d' oro. El qual orator partirà *immediate* per Napoli.

Da poi disnar, fo Consejo di X con la Zonta, et prima feno i loro capi per il mexe di Avosto, sier Lorenzo Corer, fo consier, nuovo, sier Polo Trivixan et sier Andrea Foscolo.